

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću ("Sl. novine FBiH", broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 11.10.2016.godine, donio je

P R A V I L A
JackPot-a u sistemu automata

1.OPŠTE ODREDBE

Član 1.

Ovim Pravilima utvrđuje se način i uslovi pod kojima LUTRIJA BiH sa sjedištem u Sarajevu u ulici Mehmeda Spahe br.11 (u daljem tekstu: priređivač) u skladu sa Zakonom o igrama na sreću, priređuje posebne igre na sreću, odnosno igre na automatima u automat klubovima i uplatno-prodajnim mjestima, na teritoriji na kojoj Lutrija BiH obavlja svoju djelatnost.

2.SISTEM AUTOMATA

Član 2.

Sistem automata podrazumjeva telekomunikacijsko povezivanje većeg broja automata za igre na sreću u cilju formiranja jedinstvenog JackPot-a sa istim i istovremenim šansama svih učesnika u igri.

Član 3.

Za regulisanje prava, obaveza i odgovornosti korisnika JackPot-a u sistemu automata, važeća su ova Pravila i ona su obavezna kako za igrače koji su ih prihvatili tako i za Lutriju BiH.

3.OBJAŠNJENJE NAZIVA

Član 4.

U ovim pravilima koriste se slijedeći pojmovi:

- automat klub/uplatno-prodajno mjesto: objekat Lutrije BiH u kojem se nalaze automati;
- lokalni server: računar u automat klubu ili uplatno-prodajnom mjestu na kojem se prikupljaju podaci sa automata na nivou automat kluba/uplatno-prodajnog mjesta i prosljeđuju se centralnom serveru;
- centralni server: računar na kojem se prikupljaju podaci sa lokalnih servera, definišu svi podaci za nesmetan rad sistema /korisnici, vrijednosti globalnog JackPot-a, itd./;

- globalni JackPot: novčani iznos koji nastaje od BET-a svih automat klubova i uplatno-prodajnih mjesta, koja su povezane u sistemu automata;
- informativni pano ili monitor: elektronski panel na kojem se prikazuju vrijednosti globalnog JackPot-a, te informacije o dobicima, mjesto i broj aparata;
- aktivni automat: automat koji je povezan u sistemu automata i na kojem se trenutno igra.

4.JACKPOT

Član 5.

U sistemu JackPot-a postoji premija:

- globalni JackPot koji se odnosi na cio on-line sistem;

Član 6.

Aktuelno stanje JackPot-a prikazuje se na informativnom panou ili monitoru u svakom automat klubu i uplatno-prodajnom mjestu, centralnom serveru, kao i na računaru instaliranom u Ministarstvu finansija.

Dobitak JackPot-a mora biti prikazan na monitoru instalisanom u svakom klubu.

Član 7.

Dobici iz JackPot-a se automatski realizuju kao dobitak na određenom automatu i evidentiraju na centralnom serveru u vidu izvještaja o dobitku / JackPot dobiti/.

Član 8.

Okvir JackPot-a i procenat izdvajanja dobitka JackPot-a utvrđuje se odlukom direktora Lutrije BiH, a na prijedlog Odbora za realizaciju ugovora o zajedničkom priređivanju igara na sreću i stručnih odjeljenja Lutrije BiH.

Procenat izdvajanja doprinosa za JackPot mijenja se odlukom direktora Lutrije BiH, a na prijedlog Odbora iz stava 1. ovog člana i stručnih odjeljenja Lutrije BiH.

Član 9.

Dobitak je iskazan u feninzima, odnosno u poenima, 1 poen=1 fening.

Član 10.

Igrač dobiva cjelokupan iznos prikazanog JackPot-a.

Član 11.

Globalni JackPot je vezan na centralni server. Njegov iznos se uvećava sumiranjem doprinosa svih automata uvezanih u JackPot sistem. Vrijednost doprinosa se reguliše procentom od uložених iznosa igračа.

Član 12.

Dobitak globalnog JackPot-a ostvaruje se slučajnim izborom automat kluba odnosno uplatno-prodajnog mjesta i aktivnog automata u tom automat klubu/uplatno-prodajnom mjestu, kada vrijednost JackPot-a premaši zadanu minimalnu vrijednost, a bude manja od zadane maksimalne vrijednosti.

Član 13.

Evidencija o rastu, istoriji i dobicima JackPot-a vodi se na centralnom serveru.

5.ZAVRŠNE ODREDBE

Član 14.

Pravila JackPot-a u sistemu automata su dostupna svim igračima u svim automat klubovima i uplatno-prodajnim mjestima Lutrije BiH.

Član 15.

Stupanjem na snagu ovih pravila, prestaju da važe Pravila JackPot-a u sistemu automata broj: 01-57-2308-7/15 od 22.12.2015.godine.

Član 16.

Ova pravila stupaju na snagu danom donošenja, a primjenjivat će se prvog narednog dana od dana objavljivanja u jednoj od dnevnih novina.

Broj:01-7-1967-5/16
Dana:11.10.2016.god.

P R E D S J E D N I K

Miroslav Ćorić,s.r.

